

孫徵君日譜錄存

孫徵君口譜錄存卷之二

順治七年庚寅六十七歲

後學

通州詹桂

校訂

正月

武陟李良先

初一日

九世孫

攜諸同人迎春飲友人齋

初二日

立春得奏兒韻兒淇園家報 此日此時春始回平

安家報自淇來眼昏入暮卒難閱但促挑燈細細

開

初七日

邀友人以詩代簡 客邸逢人日開襟憶二君一樽
思過我春色好平分

初八日

博陵蕭光胎過訪 有客翩翩氣色新入門肝膽喜
相親是非毀譽尋常事遇虎方知獵虎人 額點
終知龍是鯉毛存自見豹非羊乾坤珍重經綸手
好把艱危仔細嘗

初十日

寄茅止生子師忠 客秋付翰明一函囑其過祖
商所懷得無浮沈否時勢孔棘日切春冰之慮

去冬已離政廬暫寄祁陽原意渡河徐圖渡江完
德門一段姻事但病骨蹣跚老稚累多無能卒達
有敝門人高薦馨以數年相從之雅一時其事慕
茗雪山水欲借一枝之棲此君名宿志友天下士
兄能讀父書亦不可失此人耳甯紹道已囑紹擇
有便不妨通問前尊翁刻鹿太常江村簡寄尙未
得見便覓付我

十一日

寄劉玉孺司馬 某已於客冬攜家出門矣抵祁才
孝廉包素託聲味遂爾淹留今將南移借臺蔭或

不至轉於溝壑耳姪婿姪曲荷生成稍具心胸敢
忘銜結薦馨南遊聞已束裝會與之爲茗上之約
計期或在明歲然六年聚首一朝別去未免黯然
某骨腐腸痴垂老江湖既辱■生國士之知斷不
敢妄自菲薄仰負知己

十二日

寄薛行塢京兆 出門後悔不抵京與先生一晤
雲謫謫延佇爲勞仲冬抵祁天氣凜冽致病難言
已遣兩兒先行目今尚濡滯淇水僕於仲春自祁
南發蓬元先生推先生之愛每說項於賢鄉先達

諸老可謂脂以名車策以名驥矣晤時幸爲道意

十三日

馬習仲自箕山過視

十四日

鹿夢周自隆平至

十五日

是夕偕同人徐振九處證謎許心鉢處觀燈經九處

彈琴酣飲忘倦

十七日

爲賈正卿再敘篤行君子卷

入歲寒
續集

十九日

習仲別去自述邇於山中得究易義以潛之一字相質因病而藥余於同人三致意焉

二十日

心鉢掃其別墅爲同人講誦之所余顏其軒曰靜寄取淵明靜寄東軒之意

二十一日

盧肯祥自五峯山過祁執贄稱弟子

二十二日

間理學節義事功文章有不可相兼之事卽父子兄

第夫婦朋友亦有不能兼盡之時曰理學節義事
功文章總是一樁事其人爲理學之人遇變自能
殉節當事自能建功操筆自能成章觸而應刃而
起安有所謂不可相兼者如不可相兼必其人非
眞理學則節義亦屬氣魄事功未免雜霸文章祇
成空談耳卽如事親從兄以至刑寡妻信朋友亦
是一樁事然其義總統於事親如不違於禮喻親
於道古來仁人孝子自有苦心極慮處不失其身
以事親一語千古定案處兄弟處妻子處朋友總
從此一念爲蒸動或直或婉或順或逆自無犯手

難行之事志欲覆天下而力不能庇一室何必勉
爲慷慨激昂之行也藏鋒歛鍔窮後一著退一步
吾切有望於賢友

二十四日

爲王允明作咏忠詩序

入歲寒
續集

二十五日

寄王允明 一別十餘年人堪幾回別念之悵然年
兄局冷身閒孤懷靜寄可稱吏隱惠來佳什暨表
忠釋學二編具見志之所存此最是生平大得力
處忠詩偶拈數語然不足存也

二十六日

葉城毛晴嵐屢惠詩自題曰毛詩今中多詠節烈事
兼訂余過訪之期訓此 箕山咫尺得人豪佳句
郵筒未憚勞筆有春秋惟守禮詩無今古總稱毛
天雨舒卷還吾輩河朔淹留爲若曹未識荊州神
已辭到門應自解征袍

二十八日

爲許心鉢序家譜

入歲寒續集

爲年友許蓋明立傳

入歲寒續集

二十九日

博兒問有人喜稱人善本庸流也便修言之爲英雄
豪傑有人喜道人不善亦庸流也便苛論之爲亂
臣賊子二者交譏所失何者爲甚曰喜稱人善者
滿街皆聖人喜道人不善者不信世間有忠臣孝
子白不可同日而語然過於信人之長亦是自露
其短從來比匪之傷敗國喪家者不少如有所譽
必有所試

又問一庸流耳何至頌之爲英傑何至擠之爲亂賊
是皆已甚曰莫把英傑亂賊看成一定不返之局
罔念作狂克念作聖此是聖賢不易之論先儒有

言只一愛做官弑父與君便無不可爲凛哉斯言
吾人試於清夜之時細細體勘始知英傑亂賊迥
環其域此處認得分明著力驅逐亂賊獨標一英
傑面目學問之功全在此得力

二月

初一日

送人歸蕭山 聞君此日掉歸舟我亦攜家茗上遊
相隔清輝應咫尺浙山浙水好同收 一再逢君
氣味投臨岐那得復悠悠經過知我如相問爲道
蘇門歲月留

初二日

薊州孝廉盧裕楫以詩爲贄依韻貽之 策杖思南
下祁陽暫解行艱危人易老憂患夢多驚未面聲
相應投詩誼更明兩情從此始各不負生平

初四日

王五修問收放心須是靜坐仍有雜念往來胸中不
能掃除應如何曰收放心亦只是隨時隨處體認
天理雜念往來便是於天理有碍當下掃除豈容
姑待姑待之心便是聽其放而不知求一掃除則
此心仍歸本舍不以天理作主此心安得有靜時

靜安之體只是不爲私欲搖亂不搖亂於私欲雖動亦靜也陸子靜專請求放心與先立乎大者而先立乎大者又是求放心主腦

初五日

少宰張達元寄書至

初七日

固安李四江過晤故人謹我之子追憶往事悲喜交

集得聞楊都尉家死難始末

人取節錄續集

初八日

爲蕭光胎作詩序

人歲寒續集

初九日

奏兒自淇來迎同李大朴至

初十日

客秋曾有字寄孟調之兄弟字未至而調之兄弟書

來訓以二絕 靜坐停披手一編忽然涉想慕竹

邊遙望有斐二君子聲氣十年惠我箋 千里神

交各寄書孤鴻悠邈惠雙魚吾家父子君兄弟奇

聚天教共卜居

十一日

姪量雅維雅自故園來視

十三日

耿幹汝以其試藝來質曰文章當取法前輩以說理
爲主不可爲時氣所蒙試看今日藝林中所傳述
之以爲名言者皆載名理而出之無名理安得爲
名言

十四日

博兒問頻年作客道應如何因爲一絕題屋壁 孤
懷牢落許誰儔此夕祁陽去復留要得兩情終始
合主人無怨客無求

十七日

一友歷舉某人某人以某事負我言之憤憤思與之
絕予曰某之所以爲君者至矣人負我是成我之
爲仁人長者我負人是成我之爲刻薄小人孔孟
躬自厚三自反只是求不負人至人之負我不負
我俱不必問我之大賢於人何所不容豈皆不負
我者而始議容之哉能多容負我之人則德量空
洞益不可測方能置身雲霧之上下視流俗之憤
憤以我知覺開彼羣蒙若一言一事而與之較則
我且爲憤憤之尤者矣況人不負我而我且負人
是明以刻薄小人自待而以仁人長者待人則亦

不思之甚矣

十八日

問學者莫先於治生曰治生亦學者事若云莫先於
治生則全副精神盡注之於謀食今日治生亦學
者事則生之食之爲之用之自有道在前人之語
要善看陽明云能調停的此心無累卽是做買賣
何妨

十九日

題五修讀書處曰尋樂謂之曰樂不是一味愉快要
知俯仰無愧怍便無入不自得到的自得時任他

憂患哀戚憤怒俱無不得纔是樂之本體心齋云
樂者樂此學學者學此樂最有味不學從何處尋
樂

二十二日

寄示立兒 此番出門原非草草我不問大
家終是虛議論憶在渥城住了一千二百餘日未
嘗出南門一步豈不令龍谿老人笑耶在家在外
各有自立總之以仁孝二字爲師爾恬淡成性目
前恪守祖墳墓門戶關係最大爾無疹期爾婦
病已深聞潛孫亦病種種皆係我心淵孫長成

期未卜尤我早暮牽腸之事待宗族鄉黨宜寬宜和成就後生小子爾之職事二伯臨危所囑不可忽也爾處朋友不患不信患其隘學問當日日求長進爾父爾師衣鉢在爾爾當打起精神與同志者共勉之

二十三日

寄故園諸親友 行時未得一面念之悵然猶曰祁陽去吾鄉僅二百里聲聞時時相通今漸圖南移於故園日遠則於知己益疎矣良朋悠邈臨路凄然古人黯然魂銷良非虛語也憶我賓藏社盛時

言 一
聚樂光景真如天上安得不令我一二白頭老人
腸斷心傷耶

二十五日

語梁甥箕曰爾年十二偷情自甘爾未知爾身之不
可菲薄也爾父早亡爾祖父祖母無端冤慘家破
身亡爾母淚碧腸枯望爾成人一紓此鬱爾縱不
知自愛獨不爲爾母茹苦忍死一憤發耶

二十六日

謂五修等曰人一日之間起居食息儘知有善可爲
然或於善之中一涉表暴或有要譽惡聲之意便

是作偽皆所謂已私也顏淵無伐無施正是克已
孔子毋意必固我無已私之可克是其餘日月至
焉當至之時與不違同一境界而至之前至之後
又未免有已私隔斷此段功力非戒懼慎獨終無
自慊之時

二十七日

與刁非有話別 同人分袂莫蹉跎仗劍登車感慨
冬作客大梁休嘆老歸來細話舊山河

留別李符夢 居停日日待君過臨路凄然感轉多
我有心期非泛濫浮雲富貴一輕囊

二十八日

酬別李太公

有引

庚寅仲春自祁之衛李太公明吾

惠我別詩四章欸然良對臨路凄然因爲酬贈

世衰道已喪孤立如臨淵何意得交君磨礪老逾
堅素心不受涅語合聖人篇言出無齟齬相對各
欣然念我偶之衛握手倍留連驪歌幾投贈老懷
猶未宣但囑毋淹遲臨河整歸轡我亦幽棲士常
怪薄情緣八十五歲翁此道莫或先

二十九日

祁人聞予南發爭來留行予曰我之不忍別諸君亦

猶諸君之不忍別我也今夕尚寄居於此三月後
當圖再晤

示博兒 居已之道惟一敬字處人之道惟一恕字
以責人之心責已以恕已之心恕人則得之矣

三十日

南發量姪望兒各攜家隨行留博兒尚兒奉其母暫
居祁兩兒亦依戀出郊外李太公明吾以八十五
歲翁攜其子古心孫含樸瑟玉暨徐陽九劉握丹
觴余於南鑾城耿緘我暨其子幹汝河橋望意
甚徘徊過西河許心鉢之舊居在焉偕子奇玉同

才非有李符夢刁過之喬又申高陽孫又庚紫淵
四淵三兄弟提壺榼欵襟話別各有詩見贈

抵王賣王五修與袁東白仲彥紫烟暨張君璧王璽
若在焉有亭名叢處欵致幽冷前面臨河袁
氏兄弟與君璧各有詩爲別因有句 此處名君
子塵外有獨醒一曲抱村流臺榭亦幽勝諸君各
攜壺賦詩爲別贈相扶渡板橋後會欵欵定我亦
惜離別返轡元非佞

五修與博兒且步且騎至丁村至仲伯家丁爲非有
妹夫先非有有字相聞仲伯自定州歸里治具相

勞殷殷之意不減投轄

三月

初一日

遣博兒歸祁五修徒步隨行質疑問難多所發明殊
忘行路之苦

晚抵無極暑諭郭芝仙見領于邸舍

初二日

與五修趨藁城訪毛晴嵐晴嵐諱三光以貢士爲平
涼府別駕當逆闔時遂棄官歸里詩酒自娛前曾
寄詩有旣遠許巢仍結袂曾經堯舜懶彈冠之句

後有詩訂余過訪及抵藁城晴嵐鄉居因訪董正
誼正誼名釋帷不赴京兆試應補廩以多方謝之
父名性理號養遠臨貢時以病謝並不受衣巾延
余至其家居然止宿鷄黍之意

初三日

董會極相招會極名其成亦夙聞之謝弊甫者
李節溥趙升九申若時彭南圖來晤

董正誼爲余言張明經英標名榜貧而有志因過其
廬與之談頗久

正誼問讀書當從何處讀起余曰便當從大學之道

讀起此處果能領畧五經四書皆可迎刃而解世人以讀書做人爲絕不相蒙之事故讀書破萬卷祇謂之不識字如讀一孝字便能盡事親之道讀一仁字便能存惻隱之心任從何處讀起此理之會歸自一

初四日

白雲城南發

別董正誼 三年勞夢寐今覩未云遲乍見絕塵氣
深談無蔓辭貧如蔬食美靜與淡漠期此夕輕分
手屋梁倍所思

李節溥惠詩口占以報 有朋違咫尺何意一逢君
投我明珠句相期意獨殷

會極正誼送出郊外正誼復同五修步至石井其故
鄉也依依不忍別

初五日

早發梅化大風眯目口占贈五修 塵沙眯目透重
裘借爾衝風與未休識得友朋真趣味便知陳蔡
也非憂

抵大石橋題句 果老行踪亦罕存但傳橋畔有蹄
痕華山道士同驢墜未可隨人一槩論

張子度於前一日同此相候

初六日

杜向高攜其子來晤 向高名惟喬閩學會舉孝義
爲余言其女姪十六歲被逆闖所執罵不絕口賊
怒斷舌剖心死極慘因有句 杜家有女迥非常
罵賊渾同百鍊鋼斷舌剖心魂慘慘好留青史與
天長

是日得義烈四則

入取節錄續集

初七日

大石橋早發

過光武斬石人處 德元自合作天子何必高談斬
石人文叔生平元謹厚誤愚圖識卻遺真

晚宿柏鄉

初八日

宿金堤店

初九日

官莊店遇高海門借酒館相勞

晚抵順德邢臺令米輔之屏驕從過晤因玉孺司馬
有字

初十日

漏下過米輔之堂舍賓館淒涼特甚輔之處之恬如
也余曰他人入官便是得意之境使君今日猶爲
磨礪之地大任之降兆於此時後及其座師某者
自謂禮法疎畧余曰門生之報老師正在不愧百
姓不負朝廷方是仰酬知己區區餽送問候以此
爲報答師恩不亦淺耶 米諱襄邑民德之

是日得節列事二則

入取節
錄續集

十一日

宿塔連店

十二日

抵臨洺關晤李承蜩

十三日

王柔之既先行囑之曰同行多一箇好朋友不如少一箇不好朋友好朋友未必當時受福不好的朋友立刻可以取禍此匪之傷千古矧戒交絕不出惡聲又古人待匪人之道也

張于度篋中出一扇乃亡友茅止生十五年前惠余詩內云靜修尙有三分恨王猛終爲百世羞讀其語益思其人因占句 恨無半點心方快羞有一分事總非王猛靜修俱無論居停聊爾息五機

晤宋茂才如京同籍宋仁宇孫也閑雅有儒風稱佳
子弟因贈一絕 五十年前同籍友何期今日睹
冢孫清標迥絕風塵外名德自應裕後昆

十四日

阻雨

客有誦人情薄似秋雲者余解之曰世人爭道人情
薄我謂人情薄亦厚厚字還從自己生向人求厚
厚何有

寄薛行塢 抵臨洛李承蠅一見傾吐大河南北伊
風昔熟閭之地村不商棲止之所謂蘇門百泉從

古名勝可與同人遊覽終當以林慮爲歸然令尹
與司理處總借臺仁覆露之竊惟其衰朽漂蓬分
宜溝壑謬蒙先生垂念之殷不啻自爲計此誼古
人罕睹豈可得於今之世乎

十五日

張文峰遣僕馬來迎望兒五修從之廣平晚抵其署
十六日

劉涵思鏡劉珍思鑑社長虹霽遠韓興寰士傑來晤
涵思爲逆聞所擄不受僞官珍思持雙棒往誦之間
關數千里終得合有義棒二絕 五倫獨有弟見

長何忍分飛雁斷行歷盡艱危終得合天教雙棒
枉綱常至心惟付鬼神知金到精時色自奇智
裏有愚仁裏過令人千古說心痴

涵思兄弟治具相款長虹爲惠魚酒

十七日

李根茂永培來晤根茂平谷人其父友竹曾爲容城
諭世好故禮敬甚至因贈句蕭蕭書劍過平干
高誼如君世外看回首容陽學舍裏一時握手幾
悲歡

馬搆斯至廣平

韓興實招飲 春來頗覺勝遊多一飲荊州興愈番
戒跡都忘知客快語言無忌見天和款襟座上驚
飛塵回首家山發浩歌言別匆匆思兩地山陰孤
棹可重過

十八日

文峰出其詩與文相質贈句云 入疆聞化雨差足
愈銷魂局冷腸逾熱官卑道自尊立身應有主御
世貴無痕莫忘相期意孤懷倩爾存

十九日

黃子石過署中相晤道蓬元玉孺行鳩三先生相念

之意甚周因與于石曰諸老爲衰朽出門每切溝
壑之慮然僕五十年拙守斷不敢自負以負諸老
五修堅從之南遊聞學使試保定渠一廩生亦不顧
也繼而聞其母遣人追尋促之還

二十日

南發

登聰明閣

晚抵肥鄉

二十一日

賀宣三應旌設榻信宿歡若平生其兄士以名應旌

孤介士也有句贈之 少小讀書今白頭閉門獨
自閱春秋悠悠塵外無人識待我重來雪夜舟
贈宣三 雅慕龍谿老更遊短筇此日向中州逢
君北海一尊酒臥我元龍百尺樓勝稿挑燈猶共
讀孤懷抵掌幾深籌一門況是多風味千里盡簪
傾蓋投

二十二日

李世其父子招飲 有引世其諱愷啟美第同選士也
三十年絕仕進之念贈句云 良朋悠邈幾多秋
何意今朝氣味投孤學好從塵外得幽懷偏向意

中求溪山盟約屬誰事天地清明借若留一飲競
門思未已其城春色兩悠悠

二十三日

早發賀宣三送之郊外依依不欲別

晚抵成安訪李允繩於柏寺營

王玉乘元鑣自成安來晤玉乘愛讀傳習錄因贈詩
從古爲儒多腐氣爲儒不腐更如何欲知化腐
爲儒意好向姚江細揣摩

肥鄉臨行時宣三囑訪傳習錄暨鹿太常說約因遺
字載明德而南抵成安訪李舍親於柏寺營其

人正在相憶他鄉故舊喜可知也舍親係太常老
門人其師之語錄文集暨陽明先生傳習錄俱攜
在此弟囑之陸續送去或看過來取乘方新之氣
正好講明恐兄目前未必卽訪得出弟亦未必卽
攜得來也

二十四日

吳廷生路我珍過訪

陳亮明招飲 垂老琴書興未磨感君投轄意偏多
淋漓撤盞藩籬相此夕分明是太和

二十五日

柏寺營早發李允繩路我珍相陪至馬軍營甲震寰
申泰交止宿相款

二十六日

留震寰齋頭一絕 茶熟香清客到門更誇王樹與
金昆居然止宿洽鷄黍此誼千秋共足論

抵漳州訪張湛虛司馬 山斗原爲一代師座前下
拜未爲遲早從廊廟欽搏抗邇向江湖識委蛇天
下得公殊有慶寰中著我愧無奇燕山滏水相望
久甫入龍門慰所思 語及讀易讀春秋湛虛云
據講義而疏句讀人能知之然於二經之旨趣實

未有知也余曰書生一列高等便不肯自居於不知公之自謂不知卽是真學問

晚宿王家店

二十七日

早渡漳河

過文王美里城 稽首文王是我師宮牆鬱鬱望中思不須登廟瞻遺像演易卻從憂患時

晚抵湯陰徘徊武穆祠在城中以門禁戒嚴不及入謁有句 直抵黃龍約已成令人千載仰精英一城咫尺相望久痛飲元來酒未傾

宿城南五里之光村舖遺字於孫曲若 第五十年
老賢書與少師交三世因少師得聞翁臺先輩之
品行私心嚮往久矣昨南來高陽諸兄弟寄候音
一紙託爲轉致已於旬日前令舍姪先投不知得
達否今旅人貴庄主人且知翁臺甚悉因付
此字聊當一面後晤有日也

二十八日

過有斐一君子荒涼特甚 淇水澄澄亘若斯不知
歷盡幾平陂千秋有斐一君子觸目荒涼更係思
抵淇縣之西崗村奏兒韻兒已先移居於此是日張

于度耿廣我李賈表等各攜家至李太樸攜壺榼
相勞

二十九日

贈李太樸 八口託庇意有餘更欣千里過吾廬身
如飛燕巢無定心羨遊魚水到渠壯士何堪間處
老豪情每自淡中疎多君頻下陳蕃榻一室從今
廢掃除

三十日

父老士庶言及姻友崔西星已巳作令時愛民好士
爲地方事極力擔承功德在人口碑益著此真志

思也因有口號。二十年前此宦遊。士人尙自說
君侯。假令當日無遺愛。彼郎不言亦抱羞。

四月

初一日

薄敬之過訪。舊約淇園幾夢遊。託君聲味暫停騶。
少年孤志慚空許。垂老幽懷恨未酬。拈句難工聊
嘯咏。出門易倦每勾留。何堪獨力波濤日。一柱行
看障海流。

初三日

李太素來

誼贈句

我來爲避壇分宅

誼何如投契驚流俗交懽追古初心堪盟閭室行
已服鄉閭潦倒今逾甚欣欣一起予

初四日

過三仁祠 賢人從古裨人國難道三仁任紂亡事
不啻同各足色總爲天地立綱常

立夏 無計留春可奈何一年好景客中過勝遊從
此復何限但得無憂樂已多

初五日

答王尤明 僕數十年頗有志於學亦嘗思訪究其
人自伯順旣沒真實講求此道者邇乃得之足下

前惠二札昨復讀寄字至憂不深則心不沈心不沈則學不遂窮古今之變極性命之致等語皆真切篤摯近世學人罕窺其詣我輩既一意向學須置毀譽得失於膜外凡學問之精進正不在得意之時而在失意之日其於富貴貧賤之非道也何以有不處不去則其所重可知也聖賢諸儒之言不必盡同總於行已處取齊一較是非計得喪則工夫未免走向外邊

初六日

度雅姪量雅

詢問故園消息接梁如星王

太冲手字

謂奏兒曰披荆斬棘牽動同人千里避地之思國錢
此語可稱汝之知已然吾憫汝之太勞也一人之
身精神幾何況赤貧之人自顧性命不暇而戚友
鄉族供其緩急此所謂作無米之粥耳欲立欲痿
自是仁者之心而博施濟衆必不得之數也韻雅
從汝出門識力未具一任拮据少小失學老大徒
悔陳幾亭云一日三分一分靜坐一分應事一分
讀書日當三復

初七日

謂姪度雅量雅曰汝父棄汝等爲日未久而汝等俱
攜家遠來此所謂流離顛沛之時也平常居喪禮
儀自不必拘然禮有禮之常禮有禮之變其無疚
於心則一耳當時時思汝父六年墓所不茹葷不
御內終身淡薄臨危見道萬不可偷情避逆自甘
暴棄此方是孝友堂子弟若再能純一其心老夫
更有顏矣

劉天錦 **○** 晤孟調之依之卽夕同車過西崗
夜話共闢潛龍之義調之云不止惡名不可居善
名更不可居因贈調之句有云吾家父子君兄弟

奇聚天教共卜居

贈孟調之

扇頭

讀罷兩眉舒愧我非元亮

知君陋本初行藏

歲月一牀書龍卧南陽

穩誰堪問草廬

初八日

謂諸同人曰我等俱係鄉鄰戚友今來千里之外共
廬比鄰自是一家一體之人然大家各看的遠耐
的久不可因一言一物一事遂爾參商人各有已
私當時時簡點自己萬不可尤人長者各教其子
弟少者當各奉父兄之教僕隸當各遵主人之命

躬自操作務竭心力以立此身以養其父母不忠
信不篤敬州里難行况異鄉乎

初九日

孫睡仙侍御惠詩刻暨疏文三十年來欽盛名何
期今日得嚶鳴詩輝義卷燕增色

公有句贈容城
義士魏士友

疏冠朝端史有聲閱世孤懷留癖韻村居幽事抱
奇情遠聞佳士輒相許

蹤老眼明

初十日

睡仙有戲贈偷竹者八絕夾復云午睡正酣得
來詩一快讀之何物偷兒

添宗匠許多韻味且

僕昨晚歸疲甚讀罷神爽偷兒益添僕一段韻味也凡事作此觀便可一得喪消多少喜戚營逐於胸中敬佩達識寧直韻絕

友人謂此時詩文俱不中用只宜著書立言以發明理學爲事余曰莫把理學看的太板了詩文豈遂妨於理學若欲做詩人做文人終身亦不見有到家之日若欲做學者詩文寄興自不可少但理學亦非口頭講說古人知一分行一分今人知十分行不得一分全要在躬行上理會

十一日

孟調之集諸同人於良相嘯歌酣飲有青梅沙之
意良相者以留侯相韓從此始此地有子房祠
坐客談及朋友之義宜勸勉不宜標榜依之曰標榜
之義正如佛家所謂接引庸何傷余曰顧尉俊及
之禍實所自取標榜與接引此中正千里耳

十二日

寄王譽之孫備九 莫作尋常汗漫遊攜家千里得
良儔波恬浪靜登舟好免使瀕行風打頭

十三日

與子度話舊偶成 常憐體倦性宜睡暫喜眉鬆不

掛愁舊緒拈來新譜就碧天心事兩悠悠

十四日

過郝家園芍藥百叢紅紫爛然但牆垣頽廢四望蕭
寂花神遂不勝其亡聊占一絕以慰之 當年位
置幾番新今日寂寥舊主人爲囑花神休悵望題
詩卻助一精神

十五日

憶唐瞻斗有引 瞻斗名國欽雄縣諸生與余交五十
年相別既久以八十三歲謝世余姻家李霞表其
門人也爲余言其生平貧苦乏血尤余缺焉鷄鵲

未展回首從前論文把酒信我愛我之深至徒步
百餘里攜友過訪不禁洒淚西州爲賦一絕 杯
土已埋吾友身生平心事老逾真獨怜血嗣之承
尤相對唏噓各愴神

謂量姪奏兒等曰汝等五人皆孝友堂子弟今來千
里堂不能攜孝友二字豈容一刻去懷臨事不敬
交友不信總爲不孝不友之事況汝等皆鹿大常
門人汝師立教宗旨認理提綱日當讀數過此日
此時此事求一箇此心過的去便是一了百當語
又曰立身之道須臾定一恕字實實磨勘於不欲勿

施之際痛自刻責方有出頭日子一時不提醒一時便昏昧一時便放逸小人一味怨天尤人正是昏昧放逸處

十六日

與李霞表談易 常怪尼山欲假年誰人識得此幾
先晨昏相對渾無語談易胸中卻洒然 晝前有
易世人知說破何如未破時安得萬年終渾沌王
戈揖遜總兒嬉

十七日

聞言有述 聽風聽雪待春回待得春回夏復來千

里相傳仍亂耳不知何處是春臺

十八日

入濬經桐山少憩大醕門人壽淇東暨子與節邀至
其園亭設款

晚抵濬

十九日

登南山遊劉家園園創於朱懷石侍御迄歸劉漸就
荒落然其規模秀麗平地進三級而登絕頂有坊
題天上人間四字山名浮丘面對大伾山嵐光翠
色燎人心目有句 別開天地非人間娛我幽懷

一夕間嘆翠浮嵐看不厭而今始識大伾山

二十日

同崔太公須字筠澹承一暨姜益我登浮邱山過遼
堂僧舍詩以貽之 閒行攜友到山房淨洗腥羶
茶味香人在粉紅駭綠裏禪僧應與世相忘

謁子貢祠 尼山四友羨黎公築室獨居意更隆天
性文章徹悟後魯愚聰穎道聿同

二十一日

自警 白頭墮落竟如斯孤負垂髫立志時逐妄百
年皆苦趣告微一夕得心怡學先慙世須由已文

未喪天應屬誰觸目鳶魚恣傾畧林枯水涸自生
奇

二十二日

登大伾山 纔信比山卽大伾河流湮沒迷元基高
卑一任滄桑變細讀陽明王子碑

贈姜益我云 浮丘山又大伾山次第勞君共躋攀
樂意相關勤指點山靈應爲我開顏

益我南園留飲 一卷已具名山勢半畝偏於金谷
麗解事主人愛客深潁行松下仍留憩

二十三日

齒落 日不能黏歲月徂嬾餘美睡作良圖齒牙搖落尋常事木老應知葉欲枯

得滑臺閻季子死兄事一則

入取節錄續集

友人爲余言蜀人劉養真逆閹時以兵部郎哭先

帝樞遂棄官隱於卜寄寓都門

回西崗得家報喜聞外孫楊智永消息亡女井邊貞魂有所依矣

二十五日

別孟依之

有序

依之大梁偉男子也將渡河過余言

別氣味方合忽驚袂分不覺黯然繼而云丈夫各

有志但勿欺所志耳從此自勉求無墮落卽副知
已余因聳然感提携之意占二絕 纔喜相逢忽
別離老情淒斷復心怡勿欺所志非無事正是英
人磨礪時 大河南北鬱相望移粟移民意正長
小艇山陰俟我至炎蒸漸淨夜生涼

二十六日

弔閻季子

有序

季子名祺大名之滑縣人兄駕部

爲眇賊擄去季子尋得之賊強之從季子不可兄
曰而在俱死而敢行可兩生季子泣別賊要諸塗
以好語誘之旣而露刃脅之季子罵曰吾清白吏

子孫豈作賊耶今來千里得見兄死無恨矣遂遇
害後賊敗兄攜季子骨歸此與廣平劉鑑尋兄事
同雖一生一死均於弟道足色同爲詩以誌企慕
前聞義棒欽劉子今日聞季事同揆此誼古人
幾見之漢之倪萌差可比推肥代瘠幸兩全季子
逃生卻得死所重罵賊不偷生烈烈香名垂青史
初念千里爲尋兄得見兄面事畢矣堪笑歎地片
椽同室爭卽云讓果同舍亦末耳勘到至死不易
從兄心較之臣死君如冠履子死父屬毛裏更進

一妙理

二十七日

觀奕 既苦觀書勞，濕眼翻嫌對奕動。機心邇來解，得安閒法。午夢初醒，酒半斟。

一友有厭棄時文之意，謂文運衰微，語言魑魅，殊不欲觀。予曰：日星河嶽天地之文章，五經四書聖賢之文章，星河經書萬古不晦，則斯文一脈明而晦晦而明者，亦無終喪之日。吳草廬道問學說，其言直接孔孟，文生於心，心靈不滅，文當自靈，剝復明滅之關，其機甚微，不可忽也。

四月 此下數卷原名蘇門譜，故另標四月兩字。

二十八日

西崗早發

過潞王墳 潞王壽域草芊芊
屋瓦紛飛一炬燃
再拜徘徊思舊德
廢興那得不潸然

晚抵輝宿薛行塢山莊

二十九日

曹涵甫滋甫澄甫來晤爲備客爨之需

輓曹佩巖明府兼慰其二子 憶昔相看國士儔
蘇

門有約未成遊山容慘淡花街恨水色淒涼柳帶愁
儲淚幾回傷聚散結腸百轉嘆沉浮感恩知已

頻回首頗有琳琅聲味投

佩巖曾作
容城令

五月

初一日

樓居有述 短筇千里來今夕薛公有約貞金石
客迂予意甚殷腐儒名姓聞風昔山勢參蛇分太
行大橋村畔絕塵跡曲折何殊屋萬間坐臥依然
樓百尺眼前山色不盡收胸中邱壑豈外適飯豆
羹藜復何求盟雲誓水成三益萬事只宜靜裏看
百年到處俱作客

初二日

曹滋甫澄甫邀遊百泉同陳靖君聯袂而往過諸大
夫園亭頽廢者過半滋甫曰二十年前尚可觀三
十年前極盛時也抵清輝閣澄甫先爲治具偕李
天池張穀之在坐清爽絕塵泉水之北東坡題蘇
門山湧金亭六字於石亭下波光日映水草縹緲
若五色雲炫人心目入聖人之門瞻拜先師轉登
嘯臺望邵窩二祠雖日就傾圯然高人風致自不
可以劫數遷流山靈應借二公生色澄甫曰稍東
與邵祠並峙者聖母宮也時而進香男婦紛雜徧
山滿谷孫邵二祠絕無過而問焉余曰古來隱者

子可聞不可見可望不可卽如昔所云陶公坐高
秋俗士不敢入況此蚩蚩無知之人乎衆曰然

過諸大夫廢園 遲我來遊三十年園林臺榭半
頽然靈源珠吐仍依舊假者難真真者全 題百

泉 百畝泉源滙百川如斯不舍古今聯康民濟
國無窮利天一生來自有權 題瞿臺 長嘯山

頭事最奇清談叢裏別開基遺康數語深於易喜
怒不形是我師 題邵窩 易學淵源另有傳不
爐不扇歷多年欲尋安樂今何在豈向先生問渡

船

初三日

客談獲嘉賀仲軾以鄉紳家居聞先帝變同妻妾

從容就義

初四日

曹滋甫出其家藏翰文冊索題予題曰聲歟依然

初五日

許傳巖作梅過訪山庄未遇

初六日

訪許傳巖給諫望西山諸峰翠色可觀土人云此青

羊白戈之數也有句諸峰聯翠蔚生文讀聚圓

爲屯若雲豈是昔年銅馬帝亦非當日青州軍招
安祇恐作虛應龍絡或難策寶勳以刻買牛稱雨
便太行深處足耕耘 抵九聖營一學上道傍端
立目予而笑予曰公必陳靖君兄弟也答曰姓許
遙知公來故不相避延之居停卽靖君書館靖君
兄潘源太和俱來代傳巖設款竟日爲詩以贈
給諫高風迥絕羣獨行幽澗意欣欣世緣盡付春
來夢物態聿同雨後雲山水清奇能着我乾坤浩
蕩更逢君論交別有聲光在分袂遲回已夕曛

初七日

題薛園竹林 一片森陰竹影移風清難遣俗人知
松梅自古成三友偏我來遊事又奇 數盞意酣
忘暑氣一編興會足幽欣主人遙憶千餘里應喜
儂來臥白雲

初八日

晨書觸目示從遊二子 吾家太行山之東西南千
里勢愈雄腹背面目雖未熟蘇門烟景獨稱隆我
愁薛樓已旬日目之所觸神已融大者龍蹲小虎
踞遠近吞吐環無窮獨喜珠璣百泉水悠然派衍
萬壑通澄泓鬚眉立可鑑魚鳥忘機無事中男婦

紛紛刈麥急連陂稻渚方肇工日夕香氣竹風來
榴花爛熳火讓紅樓前植樹棕與桐樓虛四牖引
清風遙望戴笠荷鋤者似無祖賦擾其躬老天坐
此心自空此樂願與二子同

初九日

勉懋斯 爾志非流伍爾氣非人俯我謂志宜堅志
堅誰敢侮我謂氣宜沈氣沈誰得怒此在學力充
充實光自吐章從聞處積不由人去取

示望兒 爾性亦不愚爾識亦不惑所慮著簡束未
必詣自得所慮窺藩籬未必契規則學先破流俗

俗破立自特此道非義襲功深惟一默

邀友眺飲以詩代柬 蘇門名蹟不勝遊清絕於今
在薛樓面背拱朝各有致堂軒室閣總成幽絕看
山色連陰入近聽泉聲雜韻流好待良朋同眺飲
地靈從古借人留

初十日

名薛樓曰聞嘯樓蓋樓與嘯臺相望取一時作客嘯
歌之意若見公和其人焉爲一絕 倚樓遙望嘯
臺空迹逃名大化中欲繼嗣宗聞一嘯鸞音恍
惚與心融

望見問登何以不言而付之一嘯曰登之時可以不
言也無可與言也夫喻之論全體皆易晉室豈復
有兩身既隱矣何以言爲不朽精光聊寄之一嘯
以洩其秘予謂嘯卽言更有深於言不言要看得
活

十一日

書感

我來千餘里思見英雄人胸中羅古今萬物

待其新人也而天遊釣渭與耕莘不然隱君子山
水樂相鄰邱壑適吾意皎潔不染塵二者皆悠遊
斯道竟沈淪乃知古人出則堯舜其君民處則坐

使風俗淳尼父嘆未見好仁惡不仁仁可覆天下
亦可善其身此字不分明痛癢總不親庸衆無是
非英雄好惡真此是經綸手千古一人倫

問好惡要分明便不能無言說有言說似非其默足
容之旨曰正不相妨孔子一生默而識之者也而
其所爲所誨皆好仁惡不仁之事莫把默字看成
模稜莫把好惡字看成激昂好惡不從默來便不
得肯綮夫子致嘆於未見正謂其多浮動之好惡
耳試看好仁惡不仁能好人能惡人一毫已意不
得而與焉此非得力於默者曷能語此默字一味

聞修不怨天不尤人下學而上達似知好惡自是

知也

十一日

與客論蘇門山 蘇門之山等一卷草木不生色黯
然何爲博得古今傳幽事由來在百泉百泉奇絕
自生妍山不在高靈在仙更有名人踵後先靈脈
元自遼山延千里相望幾盤旋應有高人得其全
靜坐 幽懷正在寂寥中無事合尋靜坐功一日甯
云只兩日子西聊與我心同

節飲食 日能再食已無飢餓病多年我自知所處

加多非能少害人飢渴更難醫

省思慮 何思何慮葛天民益我情緣役我神省到
縣臺不動處心如頑石却歸真

得鄉縣烈婦吳氏孔氏蔡氏趙氏事四則入歌錄

十三日

題松竹梅三友 挺挺園中松幹枝繁且郁開門
見君心氣嘗爲肅 修竹含西林日供我客賞
無車馬喧讓我國稱長 高士如梅花道尊香自
寂偏宜雪後看幽韻誰爲敵 既爲松竹梅三友
詩從遊二子亦各有作謂快無梅並時於松竹之

間徒追憶之而增想耳予因慨然曰正如吾黨二
三子有清挺如松者有清韻如竹者有清幽如梅
者或遠去數千里外或遠在千里之外或在數百
里間即近亦在百里間各有事事豈能一日俱集
思之而即至于復爲懷人一絕 松竹乏梅並良
朋聚晤難停雲各竚望離緒減清歡

是日俗賽關帝 漢家氣運既將終何至生公萬古
雄天地人心同一體照臨處處仰神功

移榻 移榻高樓快客心衰年未倦日登臨元龍百
尺猶虛願祇以一言卧至今

睡起 夢中別是一乾坤
著面時時帶枕痕
起坐欲尋山上路
掩扉獨步已黃昏

莊外席地月夜皎然回首家園
六子四處立雅守祖
父墳墓博雅尚雅
寄居祁陽奏雅積雅
棲遲淇水望雅從遊
蘇門別雖未久而團聚未期
口占二十八字
萬里無雲孤月明
蚊雷初動暑方生
遙憐諸子平時意
四處棲遲百感生

十四日

友人惠文書各二種
嘯樓從倚自英英
四寶圖發
讀各情詞
瓦屋逢松使者毛
錐幸遇楮先生
六經

亘古元無悔千聖源流終日明奇跡蘇門開嘯咏
脫巾聊寫水風清

山行 足健身閒汗漫遊到來無地不清幽佳山有
客旋宜避野寺無僧政可留世態偏嫌熱處看人
情好向冷中求變龍勲業他人事烟月一竿釣蓼

洲

夜涼 白水清秧匝地流天教病叟此中留花經名
客神偏艷士似枯禪道更幽四野蕭蕭風襲面中
天皎皎月當頭夜涼有喜眉間動例疾從今冀一

蓼

十五日

空山紙乏力不能多構有可紀載從遊二子取葉錄之以當簡 紙貴空山似洛陽特令竹葉入文弄天心似厭無知輩未許競多亂舊章

過石門三仙宮有老僧八十二歲問其號曰弁人無號可稱從遊二子再問之云如前予曰空門一切皆空矣有句云 未必老僧能盡空空門元自有宗風全收炫耀歸清寂邈世繇來意有同

十六日

一友問定靜安慮四字作何分疏予曰照志據依游

四字體貼其意自見因爲四絕 孤學紛馳志未
或遂多蹊徑擾吾行果於道內無旁適那怕西天
萬里程 誰憐風雨浪中過孤力難持洩越多行
道會心終不失一腔宿謚自無波 日在危疑震
蕩中造微那得有餘功仁能顛沛必於是萬里安
潮御順風 上下分形雖異名其中條理自然明
括來事事成遊刃中道從容百慮亨

奇才非有 先儒云欲爲一世經綸手宜讀數編緊
要書周易孔麟蓋莫緊要於此矣箇中旨趣良非
疏解可了礪州司馬豈偶爾道及當必有進而求

之者

十七日

得博兒邠州家字 勞兼薪水古人期磨礪偏須類
餓時不敢貽憂千里外此言頗解老人頤

十八日

蔣履貞自定興至偕構斯南行

于度問士固不可苟富貴顧亦豈可徒貧賤然業已
貧賤矣不尊則不信不信則弗從卽欲不徒貧賤
烏可得也曰應貧而貧應賤而賤則貧賤卽道也
卽仁也不以其道之貧賤尙不可去道中之貧賤

而可去乎不去仁者不去此貧賤也無終食之違
造次必於是顛沛必於是者德無一念一事有不
安貧賤之心也貧賤至此而豈徒哉人不尊我而
我之道自尊人卽不信從我自得以得天下後世
之信從此是義盡仁熟境界只在此處貧處賤之
中窮不失義達不離道非兩件事禹稷顏子易地
皆然元是一樣人

十九日

同于度諸子再過百泉山光水色欣欣相接因暇放
翁山水曾遊是故人句令望覓足成之

抵貢院五經閣上巍然大士像在焉王司分府
列於下戲題一絕 儒元釋教列三門貢院何來
拜世尊怪道嘍云佛力大三千士子盡成光

二十日

于慶歸淇 我老江湖爾老漁漫差漂泊食無魚琴
尊盡典凄凉夜好向虞卿學著書

二十一日

友人惠茶 炎深寄跡在天涯竹院尋僧自在茶惠
我鮮芽前穀雨滌塵忽已脫繁華

山僧送菜 不廢朝餐與夕飧一兒一僕度晨昏

僧餽我園中蔬，殘齒還能咬菜根。

二十二日

客有言買山者，出門已博雲千頃。行李仍留月一囊，隨意耕耘無通賦。買山得此最爲昌。

二十三日

示望兒四絕 有序
吾生平喜幽閒，慕靜逸然未免塵。
事營擾敗我幽情，不得閒惡能靜。又惡得逸心，逸日休有道之士也。須從淡泊甯靜中來。今日境幽身閒，正宜理會靜與逸。是何光景四字相因，能爲山谷之幽人。當世之閒人，自可稱靜士。稱逸民學。

問親切趣當自見 幽 清澗茂林修竹旁不禁
俗士日相妨坐看兒寫黃庭卷倦倚高樓納晚涼
閒 塵務何由有了期空山孤寄淡忘時著衣
吃飯作功課邀月眠雲意自怡 靜 怒浪驚濤
幾受侵鷄鳴無語自追尋工夫只在行無事伏虎
降龍不動心 逸 無端桎梏自相招踏破樊籠
便九霄隨意居遊無罣碍莊生讓我說逍遙

十四日

題竹簾 閒將竹簾寄幽思那復當年掃蕩期遙憶
旅懷郭有道兩情相對無言時

二十五日

友人書室成索額予題曰自覺齋隨遣以字云 舉
世在夢迷中誰爲覺者古來獨伊尹稱先覺大賢
而下皆急須自覺耳試看此事從何得正自他人
著力難願與同志共勗之

澄甫自名其齋曰藏拙予聯云 巧留一線卽成僞
拙到十分更見真

二十六日

出門與農叟談久之戲作 榮辱場中不問渠是非
叢裏不關余人人各負經天手日在龍頭而在鉤

二十七日

四石盟有序 吾居停有四石焉南垣下曰太湖敗蔓

絡身面目不可見下有小石如獸抱子玲瓏可愛
然面前去樓太促樹木繁雜東西二石並峙其性
喜水微有枯槁之意予日與之對摩抄相語石亦
似解予意也若謂予知我而不能位置我與不知
我者同予曰爾有賢主人我將代爾言因相與盟
閱世莫如此石深堅貞之性不受侵四時常帶
太古色代謝興廢浩莫測雖然古蔓絡其身太湖
本質豈失真堪喜小石如虎踞玲瓏那論置非處

雙劍雌雄峙兩京不聞渴水龍其中石不能言若
有意謂我待君結詞志予事終身夢幾何情相
對欣有託肅然再拜與君盟主人千里一號驚主
人渾樸倍於爾應爲爾等解縛而吸水

二十八日

題園花 後園花事儘堪尋位置寬閒意亦深領略
無人恣芻牧牧童未解主人心

無雨 眼看千里盡焦枯三月出門一雨無屈指立
秋能幾日西成何以慰來蘇

二十九日

贈趙秋杵

有序

秋杵年踰古稀以奕擅名既鮮敵手

而琴復清絕亦寡知音形而下者如此況形而上者乎爲二絕貽之然終惜其未遇也 千里攜來一素琴高山流水鮮知音聞君一曲廣陵散喚起當年叔夜心 一局英英自擅奇河圖數內得心知拈來只覺不經意未遇英雄決勝時

題藏拙齋 拙齋自命意何長但恐工夫參未詳世巧豈堪輕著眼約君同拙不須藏

孟調之李霞表同奏兒過聞嘯樓

三十日

偶題 世上誰爲第一籌祇因初願得相酬愛山便

覺山容靜樂水偏欣水色幽月落萬川無二水理
歸一致總同流拈來信手皆成趣豈向遺編汗漫
求

六月

初一日

李天池過我 到處焉能使俗漓孤舟難繫臥雲身
舊從燕市飛談塵迥向蘇門垂釣綸未識三千條
歲事已成六十七年人與君猶恨相逢晚知我何
妨過我頻

初二日

奏兒同調之過林慮牛叶應王開右各遺一字二君
乃行塢所託以作居停者

送孟調之遊林慮 家世大梁素有聞蕭條孤寄砥
流紛眼中邱經能藏我脚底乾坤獨信君煮酒漫
談杰士事買山聊策洗心勲此行林慮多名勝揭
得白雲好共分

寄懷祁州居停主人刁非有 觸目詩題難盡收聞
雲亂石也風流愧無大手如燕許安得詩家過
樓 是誰託友楚中遊斯語千年話未休交遊面

今成砥柱殿君高出古人頭

初三日

讀困卦旅卦二繼得亨字 不能處困爲能亨憂樂
關頭介死生但得剛中真要訣諸般困象自消平
卽次懷資童僕貞幾人處旅得分明道無不在
非當苟中順甯云只小亨

初四日

新月 一鈎新月照銀河屈指相違時幾何好望依
依歸去速明朝漸喜傍人多

初五日

日譜

卷二

七

自儆 忿慾縈心喪我真見伊不是便非仁同人於
野方爲德富以其鄰猶是貧稽古未成乏自得用
迷有志問行津眼前流水何停際濯足還思一濯
身

觀釣 六爻怡喜遇風山種月眠雲水一灣省事人
間惟有釣好從之子共消閒

初六日

友人泊具就余是日謂之龍會日夕得雨 羣龍相
會意如何沛雨油雲萬物和通志由來惟君子三
人不速更加多

與友人論詩 病骨空齋炎火餘 離家千里苦無書
作詩何與吾身事 偶爾幽情真可掬

初七日

雨晴 雨晴翠色更堪親 觸目催人詩句新 光景千
年道不盡 眼前一點是天真

初八日

先考忌辰 有序 考棄予四十六年矣 初不肖兄第四

人率諸孫叩首墓下 猶足冀先靈慰而享之 今兄
若弟俱逝 守墳墓兆立兒與二三孫子耳 不肖遠
在千里之外 長一歲倍切一歲之思 依遠一里倍

勞一里之許望情事較往年更覺難堪憤然於
率成一律 四十餘年見背時到臨堂後有宿期
衰遲倍切瞻依望隔越尤深焉慕思身閨頭定到
自守心馳屋漏敢誰欺平生殊愧乏迎養客邸靈
魂一格思

初九日

友人出遊不及從賦此 閱盡名疆亦是偏誰知好
景只當前雲橫不渡山容媚雨細初停花氣鮮悅
目幽情塵外傾賞心樂事意先傳古人到處人欽
企試想梁鵲與仲宣

初十日

贈三無氏有序予姻友李霞表生平口無雌黃目無煩惱胸無機穢予因贈之爲三無氏然勿讀易老而無倦其書靈與漸之六爻與否之大象以示我思深哉其命我也至矣且明於釣術時臨溪執竿心無所競釣也又通於易矣易學從誰問渡津三無便是易精神深明釣術恰相合混俗卽爲脫俗人

十一日

追想從前夙病每犯多因飲食作此自警平生常

與病相隨防病須於未病時下箸儼然如對敵無
端憂患豈能窺

十二日

聞怒感甚 何事雷霆怒不禁祇緣忿怒素凌侵忽
然自省幾微際一語相欺猶動心 忿怒出來是
上魔洗心自合用工磨犯而不較作何景雲淨天
空見太和

十三日

題王允明釋學篇 纒纒千言釋學篇源流本末俱
昭然不能默識不能釋千聖工夫一字傳

十四日

讀杜君異刁非有高薦鑒所爲望兒迎慶集序意各
不同固各有其意也致各不同固各有其致也因
爲懷三子詩 三子我良友相期故不羣潛心攻
此道合力扛斯文致可供僉賞意還足獨欣江南
與冀北遙望幾停雲

十五日

客有商蘇門卜居者作此示之 從來寄跡多名賢
試看南川與北川地利屬誰誰享利此山愛與客
爲緣

憑几偶題 養病蘇門暑氣薰不言終日自加勤有時閉閣常思過無事閒居正策勸愛竹觀蓮情偶寄登山涉水意交欣此心空洞元非滯玩物還爲物所紛

讀易舍爾靈龜戲爲一絕 舍爾靈龜不自顧宋雋竊喜影形隨龜山恰與龜齡合又有龜堂陸子詩韻兒攜家過閑曠樓

十六日

移入城居停瑣屑一切應用之物皆澄甫兄弟爲之

備

二十日

示望雅韻雅 病來藥可廢客至酒難除此况消輕
憤兒曹漫自嗟

二十一日

讀輝縣志得節烈四則

入取節錄續集

二十二日

望兒爲友人寫超然臺詮孫十一歲彈歸去來辭因

聯云 坐看兒寫超然記卧聽孫彈歸去辭

二十三日

易州趙九如名巖因王申之譽之備九寓書通相從

之誼答云 披誦手字見吾丈虛懷之甚未免有
過於信三友之意王汝止於陽明先生已輪服下
拜矣夜而思之有不合處晨請仍據上坐往復辨
論必至於心折而後納欵北面足下於僕未嘗不
顏接辭徒以信三友之深而洗心束身投誠於千
里之外卽此一段虛懷所謂篤於學道人也古
且難之豈敢望於今之世三復手教愧而生敬姑
就師友一道略言之師云友云爲學而設也世人
於學之一字不明則師友之道皆廢矣孔子一世
自謂好學獨許顏氏子爲好學試想此學是何等

事內聖外王天德王道一了百當而不足以滿學之量學不厭不厭此也誨不倦不倦此也六言六蔽非學不祛無物不有無時不然亦惟學方能體認耳三友既從事於隨時隨處體認天理一語此便是學之大旨也引而伸之觸類而長之道豈外是與吾丈既信三友之深潛不以僕言爲迂也

二十四日

舊高陽令陳守光卜居蘇門因贈以句 德星曾喜接吾廬復向蘇門共卜居聲味由來流賞外風塵此日論交初少慙計吏公車與老愧諸賢啟事書

泉上從今風月好得君且莫賦歸與

二十五日

同人爲亡女賦節烈詩愴然有懷 慘慘幽魂十五

年今逢良友一振宣詩來字字增予慟益切衰遲

兒女緣

二十六日

顏書室曰留雲舍因天池惠詩有山空試作留雲舍
之句故云 雲飛無定處我住亦何心客作留雲
舍應無物累侵

留雲舍聯 半畝亭臺唯種月一家生計只依雲

二十七

絕薪 近山時有絕薪時買米歸來興已疑五十餘
年識一字朝餐及午亦忘飢 別談酒明乞食詩
此懷難遺俗人知五男紙筆俱無好種福南山酒
一卮

二十八

曹湛甫惠喜雨詩予答以此亦各言其志之所存也
一雨經三日幽懷漫自寬滂沱農色起零亂客
心寒薪絕停朝藥糧賒減夜餐兒童相視笑此際
得清安

目錄存卷之二終